



**KENYATAAN MEDIA**

**KUALA LUMPUR (15 OKTOBER 2021)** - Suruhanjaya Hak Asasi Manusia Malaysia (SUHAKAM) mengucapkan tahniah kepada Kerajaan Malaysia atas kejayaannya menjadi ahli Majlis Hak Asasi Manusia dengan 183 undian untuk penggal 2022-2024. Ini merupakan penggal ketiga untuk Malaysia sejak sidang pertama Majlis tersebut pada Jun 2006. Dengan pemilihannya ke Majlis Hak Asasi Manusia, Kerajaan diamanahkan dengan tanggungjawab untuk memainkan peranan yang lebih signifikan dalam arena hak asasi manusia antarabangsa dan disamping memenuhi kewajipan ke arah memastikan hak asasi manusia dapat dinikmati sepenuhnya di Malaysia.

Dengan ancaman kepada hak asasi manusia di seluruh dunia, antaranya yang diakibatkan oleh pandemik, krisis iklim atau konflik yang berterusan, adalah penting untuk Malaysia sebagai ahli Majlis untuk secara serius menangani isu-isu ini melalui kaca mata hak asasi manusia dan menjalankan usaha sama dengan ahli-ahli dan juga Prosedur Khas Majlis. Majlis Hak Asasi Manusia bermatlamat untuk mendapatkan sokongan dan komitmen Negara Anggota PBB bagi mengambil langkah untuk mengatasi pencabulan hak asasi manusia dan mencari penyelesaian yang lebih mampan.

SUHAKAM melihat ini sebagai satu peluang kepada semua pembela hak asasi manusia, termasuk Suruhanjaya sendiri, untuk mengukuhkan libat urus dan bekerjasama dengan Kerajaan bagi melaksanakan janji dan komitmen sukarelanya.

**-TAMAT-**

**Suruhanjaya Hak Asasi Manusia Malaysia (SUHAKAM)**

**15 Oktober 2021**

*Pertanyaan Media: Sila hubungi Pn. Norashikin Hamzah melalui 03-2612 5687 / 019-621 5336 atau [shikin@suhakam.org.my](mailto:shikin@suhakam.org.my)*